

東莞展覽館叢書

孟穗東◎主編

東莞文人年表

甲午夏 陳永正書



李君明

編

(下冊)

南方出版社
廣東人民出版社

東莞文人年表

甲午夏 陳永正署



李君明

編

(下冊)

東莞展覽館叢書

孟穗東◎主編

南方出版傳媒
廣東人民出版社

·廣州·

圖書在版編目 (CIP) 數據

東莞文人年表 / 李君明編. —廣州: 廣東人民出版社, 2015. 6
(東莞展覽館叢書)

ISBN 978-7-218-09812-8

I. ①東… II. ①李… III. ①文人-年表-東莞市-古代
②文人-年表-東莞市-近代 IV. ①K825.4-62

中國版本圖書館 CIP 資料核字 (2015) 第 004588 號

DONGGUAN WENREN NIANBIAO

東莞文人年表

李君明 編

版權所有 翻印必究

出版人: 曾 瑩

封面題簽: 陳永正

責任編輯: 張賢明

裝幀設計: 瀚文文化

責任技編: 周 傑

出版發行: 廣東人民出版社

地 址: 廣州市大沙頭四馬路 10 號 (郵政編碼: 510102)

電 話: (020) 83798714 (總編室)

傳 真: (020) 83780199

網 址: <http://www.gdpph.com>

印 刷: 廣東信源彩色印務有限公司

開 本: 787mm × 1092mm 1/32

印 張: 61.25 字 數: 1650 千

版 次: 2015 年 6 月第 1 版 2015 年 6 月第 1 次印刷

定 價: 480.00 元 (上下冊)

如發現印裝質量問題, 影響閱讀, 請與出版社 (020-83795749) 聯繫調換。

售書熱綫: 020-83795240 83791487 郵購: 020-83795240

鍾富蘭生。

鍾富蘭（一八五五～一九一九），東莞麻涌西寧坊人。自幼尋師訪友，先得少林真傳，後得峨眉之秘，蔡家拳尤為精湛，并善氣功，數尺之外可擊中對方要害。隨身帶一米長煙筒，以此為防身武器。為人誠實，與人為善，不露鋒芒。晚年在家編寫《少林拳術》秘本，內繪圖形解說，傳之於家，惜後代散失。花甲後雙目失明，尚能聽風辨向，苦練功夫，人難近身。廣東武林十虎^①之陳廣雲、鐵橋三為其師兄弟。抗戰前年景時節，凡來麻涌舞獅子、舞麒麟獻技者，必先至其舊居拜門，然後擺檔，遂成俗例。（《東莞市麻涌鎮志》）

清文宗咸豐六年 丙辰 一八五六年

十月，第二次鴉片戰爭爆發。英軍攻虎門、橫檔各炮臺，又毀大角炮臺及亞西娘炮臺。攻東莞，千總鄧安邦率團練英勇抗擊保衛莞城。（《東莞市志·大事記》）

大饑，斗米九百餘錢。（《東莞市茶山鎮志》）

二月，劉式恕署任東莞知縣。

劉式恕，湖南衡山人。監生。（民國《東莞縣志》卷四二）

袁體貞於本年中舉人。

袁體貞，字貴誠，號友筠。東莞人。咸豐六年（一八五六）補行乙卯科舉人，左翼宗學漢教習、內閣中書。（民國《東莞縣志》卷四七）

王延琛於本年中舉人。

王延琛，字昆生。東莞石崗（今石排）人。道子。咸豐六年（一八五六）補行乙卯科舉人。（《東莞市石排鎮志》）

① 清末廣東省有十位武功極高、受人尊敬之武林怪傑稱為“廣東十虎”，即俠家拳王隱林、九龍拳黃澄可、鐵沙掌蘇黑虎、無影腳黃麒英、軟綿掌周泰、七星拳黎仁超、鶴陽拳譚濟筠、鷹爪王陳鐵志、醉拳蘇乞兒（燦）及鐵橋三梁坤。一九九〇年廣東十虎的故事被拍為同名電視劇。（百度百科）

鍾榮焜於本年成恩貢。(民國《東莞縣志》卷四七)

蔣子敏生。

蔣子敏(一八五六~一九〇三)，原名譽陵，號蘭史。東莞虎門南柵人。理祥子，光鼎父。有文名。應童子試，馮端本拔冠一軍。光緒十七年(一八九一)辛卯入京，順德李文田督學京畿，聘襄文衡，計偕與公車諸公上萬言書。甲午之役臬司陳訪仙(湜)督師遼陽，邀參其幕，卒無所遇，返里授徒自給。二十三年(一八九七)丁酉中舉人，三赴春闈下第，任景山官學教習，嘗講求經世之學，豪宕抑塞之氣一發於詩，文酒之會無虛夕，體以羸敝，卒於都門，年四十八。同里陳伯陶歸其喪，張其淦挽以聯。民國《東莞縣志》卷七二、清張其淦《東莞詩錄》卷六一有傳。

清文宗咸豐七年 丁巳 一八五七年

本年英法聯軍攻陷廣州，兩廣總督葉名琛被俘，押往印度囚禁。(馮君實《中國歷史大事年表》)

彭組紳生。

彭組紳(一八五七~一九五〇)，又名亞佑。東莞鳳崗鎮黃洞村人。三十五歲時離家至牙買加謀生，五十歲時歸國返鄉。組紳愛國愛鄉，熱心教育及公益事業，倡建黃洞“興賢學校”，還主持興建迴龍庵橋(黃洞橋)、兩渡河橋等，又為鳳崗墟創辦人之一。為建鳳崗墟而到處奔走，發動二十八村鄉紳訂立“永和約”，集資認股建墟，一九一九年農曆六月初六日永和墟正式開市。祖紳善交朋接友，為人忠厚樸實，助人為樂、見義勇為。先是在牙買加時對華裔子弟或同鄉失業者有求必應，能幫人解燃眉之急，人稱其為“雪中送炭的人”。一次鳳崗碧湖人羅祿華於該埠病危，聞訊後，立即贈醫送藥、精心護理，直至康復為止。後組紳回鄉，祿華多次囑在家鄉之子要其經常至祖紳家看望救命恩人，並以厚禮致謝，組紳婉言謝絕。組紳關心人民群眾疾苦，尤

其對於生活貧困之孤寡老人，凡有求助於他，或有不幸遭遇，總是盡力協助解決。并公開聲稱：凡是貧窮人，死後無錢葬，只要向其求助，就可到附近棺材店免費領棺木。又為一未掛牌之雜癥醫師，并特製癥藥王“一掃光”，遠近馳名，風行一時，對一些奇難雜癥，亦藥到病除。凡是生活有困難患者，一概送醫贈藥，不收診金、藥費。因其關心別人，毫不利己，故為人所敬仰。黃洞近九十高齡老者鄭四發曾編順口溜讚其為人：“樂善好施彭組紳，全心全意助窮人。公益事業最多做，不求名利不求功。”病逝，鄉親自發為其送葬。（《東莞市志》）

清文宗咸豐八年 戊午 一八五八年

十月，五福任東莞知縣。

五福，姓王氏，字嚮庭。內務府正白旗漢軍筆帖式。有傳。（民國《東莞縣志》卷四二）

七月，張興煥管帶興勇三百，隨方耀至連州會剿。

張興煥，東莞邊村人。少隸張敬修部下，所向無敵，以軍功歷保至守備。咸豐八年（一八五八）七月，興煥管帶興勇三百，隨方耀至連州會剿賊匪，勇敢善戰，力解城圍。時賊首陳金缸等騷擾北江，屢為所敗，賊中彼此相識，至有不敢道其姓名者，其威望如此。後被賊假降誘害，人咸惜之。民國《東莞縣志》卷七二有傳。

本年鄧安邦率鄉勇於廣州東郊抗擊英軍。（民國《東莞縣志》卷七二）

本年位於今東莞市塘廈鎮平山社區平山舊圍十六號之耀初祖祠修建。（《東莞市第三次全國文物普查不可移動文物名錄》）

徐元鼎於本年成歲貢。

徐元鼎，字六虛。東莞人。咸豐八年（一八五八）歲貢，授廉州府訓導。（民國《東莞縣志》卷四七）

蘇澤東生。

蘇澤東（一八五八～一九二七），字選樓。東莞篁村（今南城）蠓岡人。光緒庠生。工詩文。道光末年茶山鄧淳搜集歷代東莞詩歌編成《寶安詩正》六十卷，未刊行，淳去世。五十年後至光緒時澤東親至淳故居，從其侄處得《寶安詩正》原稿抄錄，助羅嘉蓉編《寶安詩正續集》十二卷，民國初澤東編成《寶安詩正再續集》四卷，後一併寄予時任山西黎城知縣之張其淦。宣統二年（一九一〇）其淦擴編為《東莞詩錄》六十五卷，收錄了東莞歷代七百餘人詩作，反映了東莞八百餘年詩歌發展狀況。先是，光緒二十五年（一八九九）澤東有感於林則徐禁煙“功敗垂成”，梓行其禁吸鴉片專集《夢醒芙蓉集》三卷，收錄歷朝禁煙詩四十一家、禁煙文三十五家、戒煙藥方十餘種。民國四年（一九一五）陳伯陶編《東莞縣志》，開局於香港九龍，聘澤東為分纂。又著有《祖坡吟館詩略》、《祖坡吟館摭談》、《勝朝東莞題名錄》、《國朝東莞題名錄》等。（百度百科）

張興被殺。

張興（？～一八五八），東莞煥邊村人。隨張敬修征戰有功，官守備。率鄉勇與陳金釭農民軍作戰，中計被殺。民國《東莞縣志》卷七二有傳。

清文宗咸豐九年 己未 一八五九年

本年鄭獻甫撰《重修資福寺碑記》，後刻碑立於資福寺內。資福寺又於本年曾建部份殿宇禪房。（《東莞市莞城志》）

本年居巢寫《設色花卉圖四屏》，今藏東莞市博物館。（《東莞歷史名人·東莞市博物館藏莞邑名人作品名錄》）

尹蔭楠生。

尹蔭楠（一八五九～一九四五），名美勝。東莞高埗洗沙二上坊人。幼喪父母，稍長隨兄以補鍋為業。未幾兄卒，以擺渡為生。後隨鄰鄉人李光赴香港於天成金鋪當學徒，三年學有所成。時光子被騙失巨款，逢夏威夷招工開埠，蔭楠應募前往，於街邊

設小臺檔加工首飾，數年間生意日隆而創設天和金鋪。由於經營有方，生意日漸穩固。為求發展將該鋪交長子滿堂經營，自己回鄉中召募股東在香港開設天生金鋪，經營金飾、玉器、鐘錶，生意興旺。數年間先後於新加坡開設天二金鋪，在吉隆坡開設天品金鋪，又回莞在石龍開天安金鋪。平素慷慨好施，交遊甚廣，被四大善堂選為董事。重鄉情，凡鄉人至港拜訪，均予接待；有謀事者，亦多照顧。一九四二年石碣村民堵塞俄村內河，洗沙村民認為壞其風水，乘夜決堤，遭石碣、南埔、江城洲等十八村圍攻。洗沙除自衛外，還請大朗鄉陳、葉二姓宗親幫助護村，相持兩年，後得蔭楠在港籲請四大善堂召集各鄉旅港上層人士舉酒言和，事始平息。一九四五年七月盟軍配合反攻，美國飛機轟炸香港，其孫不幸被炸死，因傷感過度而卒。（《東莞市志》一四四三頁）

張其淦生。

張其淦（一八五九、一八五七～一九四六、一九四七），字汝襄，號（字）豫泉，號邵村。東莞篁村（今南城）恬甲村水圍坊人。童子，東塾弟子。光緒五年（一八七九）舉人，授歸善教諭，未任。十八年（一八九二）中進士，入翰林院為庶吉士，後出任山西黎城縣知縣。二十六年（一九〇〇）任山西巡撫府文案。數月後，因其在黎城任內所轄有外國傳教士七人被義和團所殺，涉嫌保教不力而被革職。回莞後任石龍龍溪書院山長達七年，兼任東莞明倫堂沙田局總辦。時廣東水師提督李准圖謀將東莞萬頃沙田產收歸國有，會同邑紳陳芝崗、鍾菁華等共赴京師，聯同京官邑紳聯名向朝廷奏請，才使東莞公共田產得以保存。三十四年（一九〇八）涉嫌案大白，其淦改任安徽省候補道員。宣統二年（一九一〇）授從一品榮祿大夫，賞戴花翎。後改任安徽提學使，管轄全省學政，辛亥革命後棄官去上海隱居。民國初年原安徽巡撫朱家寶任直隸督軍，曾多次邀請其出掌該省財政，婉辭不就。一九一五年袁世凱醞釀稱帝，擬封其官爵，亦力卻之，終日以撰述著作為樂。其淦治學嚴謹，勤於著述。著作有《邵村

學易》、《老子約》、《松柏山房駢體文鈔》十卷、《夢痕仙館詩鈔》十卷、《吟芷居詩話》四卷、《五代詠史詩鈔》六卷、《元代八百遺民詩詠》八卷、《明代千遺民詩詠》二十一卷等二十多種，另輯有《東莞詩錄》六十五卷等數種，大多數已刻印發行。然淞滬抗戰時，其寓所毀於戰火，所藏論著七十多箱全遭劫難，幸其刻板尚存於上海商務印書館。一九四六年十一月二十四日，其淦病逝於上海格羅希路寓所，享年八十八歲。余祖明《廣東歷代詩鈔》卷五有傳。

梁涓生。

梁涓（一八五九、一八六一～一九一八），字瓊仲，號又農。東莞石龍人。處士。能詩畫，精篆刻。著有《不自棄齋詩集》。事見清張其淦《東莞詩錄》卷六三。

溫瑞廷生。

溫瑞廷（一八五九～一八九八），東莞金鰲洲人。家貧，事母以孝聞。母病乳癰膿潰，拭之痛楚，瑞廷跪舔之，日凡數次。人曰：“毒將傳汝。”瑞廷曰：“母乳吾吮而生，舔而死，吾何憾焉？”母卒獲痊。光緒戊戌（二十四年）瑞廷卒，年四十。妻陳亦殉死。民國《東莞縣志》卷七三有傳。

鍾菁華生。

鍾菁華（一八五九～一九三二），字碧峰，號隱庵。東莞寮步橫坑人，世居莞城解元坊鍾屋館。廩貢生。光緒三十二年（一九〇六）兩廣總督岑春煊、水師提督李准上奏清廷，擬將東莞缺口、中堂兩司含萬頃沙及香山少許地方割出立虎門廳，直隸省管轄。邑人紛紛反對，與邑紳陳景梁北上京滬，串連本邑官員，設法取消割縣立廳之議，終獲批准。後江甯提學使陳伯陶聘請菁華為幕賓，協辦南京教育，竭力助推教育改革。清亡，伯陶居九龍，邑人請其主修《東莞縣志》，又延聘菁華為分輯，經六年努力，志稿成，又負督印、校勘之責，縣志印成，仍回莞城舊居以教書、行醫為生，一度任東莞中學國文教員。以餘暇收集整理鍾

映雪散佚詩文，輯《梅村剩稿》一卷，又編成《橫坑鍾氏家志》一書。民國二十一年（一九三二）春病卒莞城寓所，其喪葬費用由友人張其淦及門生蔣光鼐資助。（《東莞市志》一四三〇頁）

清文宗咸豐十年 庚申 一八六〇年

二月，何慶齡署任東莞知縣。

何慶齡，順天宛平人。供事。（民國《東莞縣志》卷四二）

本年韓榮光撰《學耕堂記》，後刻碑立於東莞莞城新沙。（《東莞市莞城志》）

本年林逢春欽加州同，特授儒林郎。

林逢春，又名紹洙，字學孔、杏村。東莞茶山上埗林屋人。咸豐十年（一八六〇）欽加州同，特授儒林郎。（《東莞市茶山鎮志》）

本年位於今東莞市麻涌鎮麻一村三坊之秀潤莫公祠修建。（《東莞市第三次全國文物普查不可移動文物名錄》）

王覺任生。

王覺任（一八六〇～一九二九），字公裕，一字（號）鏡如。東莞（一說番禺）人。光緒十七年（一八九一）冬入長興學舍從康有為讀書，并協助有為編著《新學偽經考》、《孔子改制考》等書。二十二年（一八九六）與徐勤被有為任為學長，代有為主持萬木草堂講學領衆等事宜，為長興里十大弟子之一。曾任澳門《知新報》撰述。二十六年（一九〇〇）參加自立軍起義。戊戌變法失敗後，避難香港、澳門，旋隨有為活動於南洋。後被有為召至日本，編輯《今文經義》。民國初年任東莞縣縣長。（《廣東近現代人物詞典》十九頁）

李肇榜生。

李肇榜（一八六〇～一八九〇），字桂墀。東莞東門正街（今莞城東正路）人。鳳廷父。善填詞，花鳥筆趣靈動，設色古豔。有花鳥圖屏存世。（《東莞市莞城志》）

張崇光生。

張崇光（一八六〇～一九一八），字子勉，號鶴耶居士。東莞莞城博廈人。嘉謨次子。光緒十年（一八八四）府學考試第一。善畫，工花卉鳥類，賦色明豔。畫多題詩詞，書法秀致，與畫相得益彰。三十二年（一九〇六）與張純初、葛小堂等於廣州榨粉街開圖畫專修科培養圖畫教員。民國初年任東莞中學圖畫教席。治印受徐三庚影響至深，有浙派之風。著有《曼陀羅館遺稿》、《止止室詞鈔》、《花卉草蟲冊》等。（《東莞市莞城志》）

霍大成生。

霍大成（一八六〇～？），東莞中堂斗朗鄉人。光緒舉人。任廣西北流知縣，為官清廉，朝廷樹牌坊嘉獎。新中國建立之初牌坊仍存，後被特大颱風颳倒，僅存一石匾，上書“琴堂著績”。（《東莞市中堂鎮志》）

清文宗咸豐十一年 辛酉 一八六一年

七月，清宣宗崩，穆宗即位，改年號祺祥，十月辛酉政變後再改年號為同治，以明年為同治元年。

本年洋務運動（又稱自強運動）開始，直至甲午戰爭失敗後結束。（馮君實《中國歷史大事年表》）

六月，方中署任東莞知縣。

方中，安徽懷寧人。供事。（民國《東莞縣志》卷四二）

袁同熙於本年中舉人。

袁同熙，字燦奇，號春臺。東莞人。咸豐十一年（一八六一）補行戊午科舉人。（民國《東莞縣志》卷四七）

周維屏於本年中舉人。

周維屏，字握芬，號繡裳。東莞常平崗梓人。序鸞次子。咸豐十一年（一八六一）補行戊午科舉人。著有《眠琴閣詩存》。（民國《東莞縣志》卷四七）

倫常於本年中舉人。（民國《東莞縣志》卷四七）

麥鈺泉於本年中舉人。

麥鈺泉，改名亮躬，字筱漁。東莞長安咸西村人。咸豐十一年（一八六一）補行戊午科舉人，大挑教諭。時族人為其於咸西村麥氏宗祠前立桅杆以彰顯功名。（民國《東莞縣志》卷四七）

容鶴齡於本年中舉人。（民國《東莞縣志》卷四七）

林萼華於本年中舉人。

林萼華，字協璵，號棣生。東莞茶山蘆葭墩人。日通孫。安貧樂道，專心讀書。咸豐十一年（一八六一）中第一百五十名舉人，官中書科中書，後任本縣局助理，調解糾紛。倡建社學，振興文教。（《茶山鄉志》卷四）

謝遇奇於本年中武舉人。（民國《東莞縣志》卷四八）

祁國勳於本年中武舉人。

祁國勳，東莞人。咸豐十一年（一八六一）併補乙卯、戊午科武舉人。（民國《東莞縣志》卷四八）

劉占元於本年中武舉人。

劉占元，字兆秩。東莞人。咸豐十一年（一八六一）併補乙卯、戊午科武舉人。（民國《東莞縣志》卷四八）

陳人傑於本年中武舉人。

陳人傑，字益馨。東莞人。咸豐十一年（一八六一）併補乙卯、戊午科武舉人。（民國《東莞縣志》卷四八）

張榮禧於本年中武舉人。

張榮禧，字介春。東莞人。咸豐十一年（一八六一）併補乙卯、戊午科武舉人。曾刻武魁木匾，掛於博廈下高橋張鎮鋪莊園門口。（民國《東莞縣志》卷四八）

謝高卓於本年中武舉人。

謝高卓，字晉三。東莞茶山南社人。咸豐十一年（一八六一）併補乙卯、戊午科武舉人，儘先參將。民國《東莞縣志》卷七三有傳。

吳鳳麟於本年成拔貢。

吳鳳麟，字紫閣。東莞人。咸豐十一年（一八六一）拔貢。
（民國《東莞縣志》卷四七）

張金鼇於本年成恩貢。

張金鼇，字社元。東莞人。咸豐十一年（一八六一）恩貢。
（民國《東莞縣志》卷四七）

尹兆蓉於本年成貢生。

尹兆蓉，字拜墀，號秋橋。東莞人。咸豐十一年（一八六一）辛酉貢生。著有《綠荷池館詩鈔》。黃文寬《嶺南小雅集》卷三有傳。

丁仁長生。

丁仁長（一八六一～一九二六），字伯厚，晚號潛客。東莞東坑琥珀坑丁屋村人。光緒九年（一八八三）進士，授翰林院庶吉士。十二年（一八八六）年授翰林院編修，充國史館協修。十七年（一八九一）充貴州鄉試正考官。十九年（一八九三）充順天鄉試同考官。二十年升任翰林院侍講。二十二年（一八九六）轉翰林院侍讀，充日講起居注官，後因父病請歸，未及家而父卒，以此抱憾，竟不復出。著有《丁潛客先生遺詩》一卷，由其門人李麟頤編，於民國十七年（一九二八）刊刻出版。（《東莞市東坑鎮志》）

周壽臣生。

周壽臣（一八六一～一九五九），原名長齡，字壽臣。寶安（今屬深圳）人。為第三批清留美幼童之一，與唐紹儀（後為中華民國首任總理）同赴哥倫比亞大學就讀，肄業曾在朝鮮任袁世凱幕僚。光緒七年（一八八一）任多處海關稅務，二十九年（一九〇三）任天津招商局總辦、京奉鐵路總辦及外交部大臣，官居二品。三十一年（一九〇五）七月任唐山路礦學堂（即唐山交通大學）總辦（校長）。三十三年（一九〇七）起為香港太平紳士。一九一八年與李冠春、李子方及簡東浦等華商合資創辦東亞銀行，一九二五年至一九二九年任董事局主席。一九二二年香港

政府委任為香港潔淨局局紳及香港定例局（即後來之立法局）議員。一九二二年至一九三一年任香港立法局議員，一九二六年成為香港首位華人行政局非官守議員，并獲封爵士，一九三三年獲香港大學名譽法律博士學位。香港淪陷後，與其他華人領袖等加入日軍所設之香港華民各界協議會，協助日軍管理香港社會秩序等。香港南區有以其名命名之壽臣山、壽臣劇院。（《中國近現代人物名號大辭典》八一〇頁）

袁湛恩生。

袁湛恩（一八六一～一九三三），字應淦，號雨亭，別號荔坡居士。東莞茶山上元村人。國子監學生。幼隨父讀書，以穎異聞，出試輒列前茅。應光緒十五年（一八八九）己丑恩科不中，十七年（一八九一）辛卯、二十年（一八九四）甲午連戰北闈，皆下第。於是放情詩酒，募修萬壽庵，日與同道詠觴其中。又闢意園，設帳講學。一九二四年任東莞縣第六區區長。著有《意園集》、《意園小草》、《課兒詩草》、《荔坡談餘》、《茶山詩文拾遺集》、《茶山鄉志》等。（《東莞市茶山鎮志》）

徐夔颺生。

徐夔颺（一八六一～一九三九），字莞珊。東莞莞城人。幼年從父讀書，成年後在塹頭為私塾老師。光緒十九年（一八九三）鄉試中舉。次年會試為二甲進士，賜進士出身，即赴山東候補知縣，因父去世，棄官返東莞。後在東莞創辦男子工藝廠、女子工藝廠、農林試驗場、農工商半夜學校、勸業、勸學所等，任實業所所長，不領取任何報酬。對於邑中公益之事均能任勞任怨，極力促成。戊戌維新時全國各地開始興辦新式學堂，夔颺在東莞倡導辦起東莞學堂（今東莞中學前身），并從光緒二十八年（一九〇二）至宣統三年（一九一一）親任校監。同時又創辦了十多所小學，東莞人才不少出自其門下。夔颺不僅受維新變法思想影響，後又接受推翻帝制建立民國思想，思想較為開明進步且無黨派之見。當廣東法政學堂成立時，夔颺毅然入校讀書，希望

能為國出力。曾極力保護學校裏身為同盟會會員之教師、學生，尤其保護同盟會會員黃俠毅、林直勉等學生宣傳革命。一九一四年夔鳳出任南海初級檢察廳監督。一九一九年被推選為廣東省第二屆省議會議員，并被督軍公署、省長公署聘為高等顧問，曾提出整頓吏治、推廣教育、振興實業、禁煙禁賭等六項建議。一九二四年議員任期屆滿，遂返鄉里，與楊錫光等十二人結鳳臺新社。七七事變後，夔鳳憂國憂民，支持組織鐵血劇社演出抗戰救亡話劇。莞城淪陷，夔鳳至香港。一九三九年四月在港去世，享年八十歲。在其影響下子女均參加革命。（《東莞市志》一四三二頁）

楊衢雲生。

楊衢雲（一八六一～一九〇一），名飛鴻，字肇春，別號衢雲。福建海澄（今廈門）人，出生於東莞虎門寨（一作白沙水圍村）。幼隨其父至香港，在港聖保羅書院接受教育。十四歲於香港進入船廠學習機械，因工傷意外失去右手三指，於是改習英文。畢業後任教員，後轉任招商局總書記及沙宣洋行副經理。光緒十六年（一八九〇）（一說為十八年）與謝纘泰等十餘人組織輔仁文社，衢雲任社長，於香港上環百子里成立會社，以“開通民智”、“盡心愛國”為宗旨。文社購買新學書報，討論中國發展及改革路向，主張推翻滿清，建立合眾政府。衢雲同時亦加入志在反清之洪門。二十一年（一八九五）一月孫中山至香港，經中山好友、輔仁文社成員尤列撮合，將中山於二十年（一八九四）十一月在檀香山成立之興中會與輔仁文社合併，合併後改名興中會，衢雲被選為會長（時亦稱總辦或百理璽天德，即 President），中山為秘書，在香港中環成立“乾亨行”商號為掩護。二十一年（一八九五）十月興中會在廣州舉行首次起義，衢雲在香港任總指揮。由於事機不密，為清政府所獲悉，陸皓東等七十多人被捕，衢雲及孫中山被通緝。香港政府受清政府壓力，迫令二人離境，於五年內不准入境。衢雲經新加坡，前往南非約翰尼斯堡，後再轉往日本，輾轉各地發展興中會。二十六年（一九〇〇）一

月衢雲辭去興中會會長一職，改由孫中山任會長。同年衢雲從日本至香港，發動惠州起義，失敗後於年底返港，在中環結志街五十二號二樓設私塾輔仁文社教授英文以養妻兒。翌年一月十日衢雲於其私塾內被清廷派出之刺客陳林開槍擊傷，於翌日搶救無效逝世，謝贊泰葬衢雲於跑馬地香港墳場，並為其設計墓碑，碑上沒留名字，僅刻有編號六三四八，並以天圓地方概念設計，刻有青天白日圖案。（《東莞市虎門鎮志》）

清穆宗同治元年 壬戌 一八六二年

七月初一日（公曆七月二十七日），刮颶風，潮水急漲，淹沒民房無數，殞戶溺死者尤多。（《東莞市志·大事記》）

二月，余恩鏞署任東莞知縣。

余恩鏞，浙江龍游人。舉人。（民國《東莞縣志》卷四二）

八月，王光頌署任東莞知縣。

王光頌，浙江鄞縣人。監生。（民國《東莞縣志》卷四二）

本年位於今東莞市企石鎮江邊村隔塘隊四十八號旁之冠堂公祠修建，今為市、縣級文物保護單位。（《東莞市第三次全國文物普查不可移動文物名錄》）

本年位於今東莞市東坑鎮井美村文閣路一〇二號旁之井美文閣修建。（《東莞市第三次全國文物普查不可移動文物名錄》）

本年釋祖威遊湖南。

釋祖威，字慈謙，號嚴光。東莞水南鄉羅氏子。少出家羅浮華首臺，精修戒律。同治初遊湖南，僧法雲傳以心印，主郴州之普濟寺。及返粵，於飛雲頂創建撥雲寺，不避蛇虎，與其徒兀坐修持。後終於花手寺，世壽六十四。民國《東莞縣志》卷七四有傳。

本年黃以鈺獎六品軍功。

黃以鈺，字毓天，號瑤卿。東莞東坑黃屋村人。把總，保外委。（《東莞市東坑鎮志》）

本年黃玉保四品藍翎。

黃玉，字樹庭，號昆玉。東莞東坑黃屋村人。實授守備，即補都閫府，二年欽賜花翎，保遊擊。（《東莞市東坑鎮志》）

本年袁樹榮賜副貢。

袁樹榮，字照衡。東莞茶山下朗人。同治元年（一八六二）恩科賜副貢。（民國《東莞縣志》卷四七）

本年陳元謙賜副貢。

陳元謙，字長文。東莞人。同治元年（一八六二）賜副貢。（民國《東莞縣志》卷四七）

本年葉經邦賜副貢。

葉經邦，字長文。東莞道滘葉氏三房禮耕堂人。同治元年（一八六二）賜副貢。（民國《東莞縣志》卷四七）又《葉氏宗譜歷代文科甲》第五頁記述為咸豐元年（一八五一）辛亥科欽賜副魁一名。

黎大康於本年中恩科舉人。

黎大康，字錫蕃，號壽朋。東莞大嶺山大塘村人。^① 同治元年（一八六二）壬戌恩科并補行己未恩科舉人。（民國《東莞縣志》卷四七）

陳嘉謨於本年中恩科舉人。（民國《東莞縣志》卷四七）

黃兆康於本年中恩科舉人。

黃兆康，字勳榮，號雪漁。東莞人。同治元年（一八六二）壬戌恩科并補行己未恩科舉人，授鎮平教諭。（民國《東莞縣志》卷四七）

楊炳輝於本年中恩科舉人。

楊炳輝，字建勳，號棠階。東莞人。同治元年（一八六二）壬戌恩科并補行己未恩科舉人，授和平教諭，未任。（民國《東莞縣志》卷四七）

^① 《東莞市中堂鎮志》：東莞中堂潢涌人。